

نظرة بريئه

نظرة منك كانت بريئة
جابتني زاحف لحد عندك
خطوة مني كانت جريئة
متحسبنيش وحاسبى نفسك
نظرة واحدة كانت كفيلة
خلتني أغرق فى بحر حبك
أمد إيدى عشان تلحقتي
سحبتيني جوه بحرك
وسلمتيني لدواماتك
وسحرتيني بتهديداتك
والمقاومة كانت مستحيلة
إني أعوم لشطك.
أو أوصل لبرك
إبعدى عنى عيونك
يمكن تكون ديا الطريقة
بس إزاي عنى تبعديهم

لو هموت مش مهم
بس منى قربيهم
مهما كانت بحورها غريقة
ما إنتى قتلتنى خلاص
ومفیش منك خلاص
وهى دى أصدق حقيقة .
وأنا إالى كنت باسمع
عن الموت بنيران صديقة
معقول أكون مقتول
والقاتل عيون بريئة